



Boletin informativo Biná

Biná

Mayoria hende a yega di tende di dje pero no tin hopi hende ku a yega di mira e mamífero di mas grandi ku tin den naturalesa di Kòrsou. Nan ta skars i nan tin e koló perfekto pa kamuflahe, ke men bo no ta mira nan fásilmente. Nos ta papiando naturalmente di biná di Kòrsou.

Ta masha spesial ku tin biná na Kòrsou pasobra normal bo no ta haña e bestianan akí na isla. Kòrsou i Isla Margarita na Venezuela ta e único islana den Karibe kaminda bo ta haña biná.




Riba e potrètnan bo por mira na man robes un biná rabu blanku yòn i na man drechi un biná muhé adulto. Riba e potrèt na man drechi bo por mira un grupo di alumno durante un ekskurshon di Carmabi, e alumnanon a topa e biná manera e kos ei no tin nada aden. Esei ta algu masha



*Por haña mas informashon tokante
departamento di NME (Natuur en Milieu
Educatie) di Carmabi riba :*

Website: www.carmabi-educatie.org
Facebook: [carmabi NME education](#)
Instagram: [carmabi nme](#)





Boletin informativo Biná

Cervidae

Biná ta konosí bou di e nòmber científiko na latin Cervidae, bo ta haña biná na hopi lugá na mundu.

Rònt mundu tin mas o mélos 34 sorto di biná. Biná di Kòrsou ta pertenesé na e grupo di biná ku rabu blanku, ku nan a duna e nòmber ofisial di *Odocoileus virginianus*. Ta haña e tipo akí di Canada te na Suramérica.

Den e tipo di biná rabu blanku, por distinguí ainda 8 sorto diferente supespesie. Esei ta e binánan ku rabu blanku ku ta nèt un tiki diferente ku sobránan. Biná di Kòrsou tambe ta un tipo di biná asina, un supespesie. Por ripará eseí tambe na e nòmber científico : *Odocoileus virginianus curassavicus*. (*curassavicus* ta nifiká na latin : di Kòrsou).

Biná ta masha skars. No ta konosí ta kuantu biná tin eksaktamente, pero nos tin miedu ku nan no ta mas ku algun shen, loke ta masha poko. Esaki ta pone ku biná ta un di e animalnan mas skars na mundu.



Skars

E mamífero ku tin mas ku 4000 aña ta kana ròn na nos isla, ta den peliger. Ta traha mas i mas kaminda i konstruí mas i mas edifisio i na un dado momento bo ta kore riesgo ku biná ta disparsé.

Biná ta protehé pa lei pero asina mes e ta menasá. "Loke bo ta haña awor ta ku e lugánan kaminda biná ta biba, esta nan habitat, ta plamá. Ántes bo tabata haña biná na San Sebastian, pero segun añanan ta pasa a traha kas ei. Asina a blòkia pasashi di Jan Kok pa otro parti di e isla. Esei a pasa na kosta parti sùit tambe, na área di plantashon bieu di Rif Sint Marie te na Kenepa tin área kaminda bo ta haña biná ainda. Tin diferente área ku ta en parti área turístiko, ke men e habitat ta bira mas chikitu." Asina John de Freitas di Carmabi ta bisa.

Bo tabata sa ku ...?

**Pa mucha sabí ku ke sa mas ainda
tin riba nos website masha hopi
informashon, sine, i plachi pa klùr
Of loke ta mas leuk ainda: bishit;a
nos Marine Education Center na
Carmabi Piscadera!**



Boletin informativo Biná



I nan por hasi eseí como ku nan tin pata largu i muskulá. Nan por kore asta te 60 kilometer pa ora, imaginá bo ku nan ta pasa duars den mondi yen di sumpiña.

Biná machu tin kachu, biná muhé nò. Bon mirá ta usa e kachu ei solamente pa bringa ku otro machu pa wak ken ta manda den un sierito área. Tur aña, na kuminsamentu di tempu di yobida, e kachu ei ta kita kai i biná machu ta haña unu nobo ku tin biahá ta un tiki mas grandi ku esun promé i un tiki mas diki tambe.

Anatomia

Biná ta un animal kurpa delegá ku lana maron kla. E bestia tin un rabu basta largu ku ta blanku na parti abou, ta p'esei e nòmber biná rabu blanku. Na su kabes biná tin un par di wovo grandi, ora ta sukú e bestia ta wak masha bon ku nan, e tin tambe dos orea grandi ku e por drai den tur direkshon. Ta opvio ku biná por skucha masha bon, anto ta bon mes, pasobra tin animal ku ta yag riba nan.

Na Kòrsou no tin animal yagdó grandi di bérde (fuera di hende!) pero na otro pais sí. Ke men ku tur ora bai biná mester paga bon tinu pa wak si no tin un bandidu den nan serkania. Nan ta hasi eseí ku nan orea, anto sigur ku nan nanishi tambe, nan por hole holó di leu. P'esei lo bo no mira un biná fásilmente den mondi. Nan sa di un distansia di algun shen meter kaba si tin hende den serkania, ku tur nan perfume, holó di sodó i desodorante, i e ora ei nan ta dispersé masha lihé. Esei ta bai lihé paso nan ta bula distansia grandi.

Bo tabata sa...?

Bon mirá ta kon biná a bin resultá na Kòrsou? No por a kontestá e pregunta akí ainda na un forma satisfaktorio. Biná por landa sí pero ku nan lo a landa bin te for di di Venezuela no ta parse lógiko.

Nos ta kere ku e proméabitantenan di Kòrsou, e indjannan, a bini ku biná i laga nan liber pa nan por kome nan si mester. Naturalmente e binánan a bai reproduzí nan mes i adaptá pokopoko na klima seku di e isla. Asina a surgi despues di basta tempu e supespesie ku nos ta yama awendia biná di Kòrsou. Si esaki ta bérdat, e ora e binánan tin probablemente mas ku 3500 aña na nos isla.



Boletin informativo Biná

Kuminda

Biná gusta kome tur sorto di kos basta e ta vegetal. Nan ta kome yerba, yerba di bebe, mata, taki yòn, algun shampiòn, mòs i beskein ku ta krese riba palu. Na Kòrsou yerba ta masha tai, ke men mayoria biaha biná ta laga nan para.

Nan ta kome mas tantu kuminda den un tempu kòrtiku i despues ora nan ta seif skondí nan ta bai kou e kuminda finifini.



Si nan por haña awa limpi, biná lo bebe 2-3 liter pa dia. Pero nan por pasa dia sin bebe awa. Ora ta masha seku nan por saka awa di káktus, nan ta kibra nan promé ku nan pata. Biná ta meskos ku baka rumiante, ke men despues di kome nan ta bai drumi trankil den sombra di un mata i nan ta kou, despues ku nan a saka eseí, e kuminda un biaha mas. Esaki no ta pòrnada, pasó si un biná mester kou e kuminda kompletamente fini tur biaha ora e ta kome, e ora ei nan lo ta muchu largu visibel pa animal yagdó òf pa hende. Ke men nan ta kome mas lihé posibel.

E sesu ku tin akiriba ta di un biná muhé ku outo a dal mata lástimamente na kaminda pa Westpunt. Bo ta mira kla ku biná ta herbívoro (komédó di yerba). Na parti abou so nan tin djente dilanti i nan kis ta plat pa asina nan por mula e matanan fini. Kompletamente otro pues di e kisnan skèrpi ku punta di karnívoro (komédó di karni).





Boletin informativo Biná

NATUUR MILIEU
EDUCATIE



Reprodukshon

Un biaha pa aña ta temporada di dèk. E ora ei e machunan ta bai bai bringa pa e teritorio di mas bunita i mas grandi i pa konkistá e binánan muhé. Nan a kaba di haña un kachu nobo e ora ei ke men nan por bringa formal. Mayoria biaha no tin herido serio, pero tin biaha algu ta bai robes. En partikular e wowonan ta sufri pa motibu di punta skèrpi di kachu. I regularmente tin biná machu ta kana rònt ku un wowo bon so. Ora e bringamentu ta tras di lomba, i ku a konkistá e biná muhénan, ta dèk nan, despues di 200 dia e yu ta nase.

Hopi biaha e mama ta haña un yu i masha pokó biaha dos. E yu parse Bambi di bérde, ku su lana kórá maron i ku no ménos ku 200 pik blanku ku ta disparsé despues di mei aña. Nan ta keda 4 te 6 luna serka nan mama, despues e mama ta kore ku nan

Mayoria biaha e yu ta buska un biná machu pa keda serka dje i ku por siña e yu di peliger ku tin den mondi. No ta konosí kon bieu biná por bira, pero ta sigur ku nan por bira 10 aña.

Bo tabata sa ku... ?

Si un mama ripará ku tin peliger, e ta kore bai, ku su rabu na laria.

E parti abou di e rabu ei ta blanku i e ta sirbi manera un bòrchi di tráfiko pa e yu.

For di chikitu e yu sa ku e mester kore tras di e rabu blanku ei, maske kiko pasa. Ke men e rabu blanku tin un tarea masha importante mes!

Bo ke sa mas ainda di biná yòn?

Purba buska mas informashon riba internet di loke tin akibou.

- Mamífero ta duna bida, ke men nan no ta pone webu. Pero ta haña yu ku ta bibu.

Organismo tin un nòmber científiko ofisial. Ofisialmente biná di Kòrsou yama *Odocoileus virginianus*. Ki ta nòmber ofisial di hende, yuana i kabritu?

Pasa bon ora bo ta buska i lesa mas di biná.

